

已載上經其欲得筋脈強盛者定心養血以偃卧令人按收或自按摩半夜調息存青龍自腎生發透腰周四肢升天地門飲華池真津九徧咒呼天蒼七徧欲得氣力堅固精氣是也欲得身輕快亦可鍊精氣神全之道也

大禹步章

昔大禹權制百靈蓋得天年之步天年之步者行之免三凶三凶者天地雷霆之險山川鬼神之險禽獸靈魅之險修真之士莫不先知行之如登雲霞步三境眾真侍衛焉如登壇祭天入山涉險皆用之叩齒閉目存日月取在左手垂下右手南北舉左手握四指伸第二指引右指東南面東次握右手行右足指道藏輯要

太玄寶典

三

上品集五

東北向東行非三境內戒之士勿出步焉

度神鬼章

真人以法度人以令度神法以修真令以受戒凡經有凶惡鬼神處以令度之升爲真官先齋戒具青詞明表開三界以丹砂九兩和以粉麵作本真形青白二色方紙千幅亂覆焚之於大松下其松上有青白色雲自有神物見致辭而去

透靈託化章

人之真靈以情昧皆由神之所存也人人皆有神靈焉緣情而昧惟真人能以神通諸人生則夢交死則神傳夢交則夢於人神棲則假化留世焉鍊氣既圓定神不亂揭天門而出神故能